

14 сентября 2014 года. Неделя 14 по Пятидесятнице. Глас 5.

Начало индикта – церковное новолетие. Прп. Симеона Столпника и матери его Марфы.

## **ВСЕНОЩНОЕ БДЕНИЕ. КАНОН:**

### **ПЕСНЬ 1:**

#### **КАНОН ВОСКРЕСНЫЙ, ГЛАС 5:**

**Ирмос:** **Коня и всадника в море Чермное, / сокрушаяй брани / мышцею высокою, / Христос истрясе, / Израиля же спасе, // победную песнь поюща.**

**Припев:** **Слава, Господи, святому Воскресению Твоему.**

**Тропарь:** **Тебе терноносный еврейский сонм, / любве, Благодетелю, к Тебе не сохрань матерния, Христе, венча, // родоначальника разрешающа терновное запрещение.**

**Припев:** **Слава, Господи, святому Воскресению Твоему.**

**Тропарь:** **Воздвигл еси мя падшаго в ров, / преклонься, Жизнодавче Безгрешне: / и моея злосмрадныя тли, Христе, претерпев неискушенно, // Божественного Существа миром мя облагоухал еси.**

**Припев:** **Пресвятая Богородице, спаси нас.**

**Богородичен:** **Разрешися клятва, печаль преста: / Благословенная бо и Благодатная, / верным радость возсия, // благословение всем концем цветоносящи Христа.**

#### **КАНОН БОГОРОДИЦЫ, ГЛАС 5:**

**Припев:** **Пресвятая Богородице, спаси нас.**

**Тропарь:** **Света всельшагося в Тя, Пречистая, / и просвещшаго мир лучами Божества, / Христа моли, / просветити вся поющия Тя, Мати Дево.**

**Припев:** **Пресвятая Богородице, спаси нас.**

**Тропарь:** **Яко украшаема добротою добродетелей, Благодатная, / добротворное благолепие лучею Духа, // подъяла еси, Всечистая, всяческая удобрившаго.**

#### **КАНОН ИНДИКТА, ГЛАС 1:**

**Припев:** **Слава, Тебе, Боже наш, слава Тебе.**

**Тропарь:** **Воспойм вси Христу, / Имже составишася всяческая и в Немже совершишася неразлучна, / яко из Безначального рождшуся Бога Отца Ипостасному Слову, // песнь победную, яко прославися.**

**Припев:** **Слава, Тебе, Боже наш, слава Тебе.**

**Тропарь:** **Воспойм вси Христу, / Отчим благоволением явльшуся из Девы / и проповедавшу лето Господне приятно нам на избавление, // песнь победную, яко прославися.**

**Припев:** **Слава, Тебе, Боже наш, слава Тебе.**

**Тропарь:** **В** Назарѣт пришѣд, Податѣль Зако́на в день суббѣтнѣй уча́ше,/ законополагая евреѣм пришѣствия Своегѣ неизречѣннаго,// ѣмже, яко Мѣлостив, спасаѣет род наш.

**Припев:** **Пресвятая Богородице, спаси нас.**

**Богородичен:** Пою́ще, вси вѣрнии, предивную Отрокови́цу,/ Христа́ вселѣнной возсиявшую/ и радости всяческой исполнившую присносу́щныя жи́зни,// присно восхваляѣм, яко просла́вися.

**КАНО́Н ПРЕПОДО́БНОГО СИМЕО́НА, ГЛАС 8:**

**Припев:** **Преподобне отче Симеоне, моли́ Бога о нас.**

**Тропарь:** **Д**аждь мне, орга́ном язы́ка гнилы́м,/ о богонѣсе Симеоне, песнь тебе́ плетущему,// мо́льба́ми твои́ми знáния свет богонаучѣн.

**Припев:** **Преподобне отче Симеоне, моли́ Бога о нас.**

**Тропарь:** **П**озна́ша му́дрость, отче, твою́/ персяне, ефиѣпляне, индиáне, и ски́фяне, и ара́вов мно́жество// и просла́виша Христа́, тобою́ прославля́емаго.

**Сла́ва Отцу́, и Сы́ну, и Свято́му Ду́ху.**

**Тропа́рь:** **Б**лагода́ти исполнися духо́вныя,/ от пасту́шеских бо стáнищ, яко Иáков, Дави́д и Моисѣ́й,// началовѣждь словѣсных явился еси́ паств, блаже́нне.

**И ны́не и присно и во ве́ки веко́в, ами́нь.**

**Богородичен:** Пречы́стая Богородице, ра́дуйся, Честна́я,/ невместима́го Бо́га во утробѣ Твое́й вместившая,// избáвиться лю́тых испроси́ пою́щим Тя.

**КАТАВА́СИЯ, ГЛАС 8:**

**Хор:** **К**рест начертáв, Моисѣ́й/ впря́мо жезло́м Чермнѣе пресече́,/ Изра́илю пешеходя́щу;/ то́же обратнѣ фараѣновым колесни́цам, уда́рив, совокупы́,/ вопреки́ написáв непобедимѣ ору́жие.// Тем Христу́ пойм, Бо́гу нашему́, яко просла́вися.

**ПЕСНЬ 3:**

**КАНО́Н ВОСКРЕ́СНЫЙ, ГЛАС 5:**

**Ирмо́с:** **В**одрузи́вый на ничесѣмже зѣмлю повелѣнием Твои́м,/ и повѣсивый неодо́ержимо тяготѣющую/ на недви́жимем, Христѣ́, ка́мени за́поведей Твои́х,// Це́рковь Твою́ утверди́, Еди́не Бла́же и Человеколю́бче.

**Припев:** **Сла́ва, Го́споди, свято́му Воскресѣ́нию Твоему́.**

**Тропа́рь:** **Ж**елчь у́бо ѣже из ка́мене мед ссáвшии,/ в пусты́ни чудодо́йствовавшему Тебе́ принесѣша, Христѣ́:/ ѣцет же за ма́нну воз благода́яние Ти возда́ша// ѣтроцы Изра́илевы неблагода́рнии.

**Припев:** **Сла́ва, Го́споди, свято́му Воскресе́нию Твоему́.**

**Тропарь:** **И́же дре́вле светови́дным о́блаком покрыва́еми,/ Жи́вот во гробе́ Христа́ положи́ша:/ но самовла́стно воскре́с, всем ве́рным подаде́// та́йно осеня́ющее свѣ́ше Ду́ха сия́ние.**

**Припев:** **Пресвята́я Богоро́дице, спаси́ нас.**

**Богородичен:** **Ты Ма́ти Бо́жия несочета́нно родила́ еси́,/ И́же от Нетле́нна Отца́ возсия́вшего, кроме́ боле́зней ма́терних:/ те́мже Ты, Богоро́дицу, воплоще́нна бо родила́ еси́ Сло́ва,// правосла́вно пропове́дуем.**

**КАНО́Н БОГОРО́ДИЦЫ, ГЛАС 5:**

**Припев:** **Пресвята́я Богоро́дице, спаси́ нас.**

**Тропарь:** **Ле́ствица, Ё́уже к нам сни́де Вѣ́шний,/ истле́вшее естество́ испра́вити,/ Ты я́вственна, Чи́стая, всем ны́не ви́дена была́ еси́:// Тобо́ю бо Преблагі́й ми́рови бесе́довати благоволи́.**

**Припев:** **Пресвята́я Богоро́дице, спаси́ нас.**

**Тропарь:** **Ё́же дре́вле преду́ставленное, Де́во, та́инство,/ и пре́жде век прови́димое вся ве́дущему Бо́гу,/ ле́том ны́не напоследок в ложесна́х Твои́х, Всенепоро́чная,// ко́нec прие́м яви́ся.**

**КАНО́Н ИНДИ́КТА, ГЛАС 1:**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Утверди́, Бла́же, егóже насади́ любóвию на земли́ десни́ца Тво́я, плодови́т виноград,// сохра́няя Твою́ Це́рковь, Всеси́льне.**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **В де́лех духо́вных богокра́сных крася́щихся/ наста́вшее, Го́споди, ле́то си́е преведи́, Влады́ко,// и́же ве́рою Ты песносло́влящая, Бо́же вся́ческих.**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Ти́хий ми, Христе́, ле́тний круг дава́й, Ще́дре,/ и насы́ти мя словес́ Бо́же́ственных Твои́х,// я́же яви́лся еси́ глаго́ля иуде́ем в суббо́тах.**

**Припев:** **Пресвята́я Богоро́дице, спаси́ нас.**

**Богородичен:** **Я́ко еди́ну, преесте́ственно па́че челове́ка/ благода́ть во Твою́ утробу́ прие́мшую/ и невраще́нно ро́ждшую Христа́ Бо́га на́шего,// при́сно Ты сла́вим.**

**КАНО́Н ПРЕПОДО́БНОГО СИМЕО́НА, ГЛАС 8:**

**Припев:** **Преподо́бне о́тче Симео́не, моли́ Бо́га о нас.**

**Тропарь:** **Скóро избе́г зи́мныя бе́ды духо́в,/ ко спаси́тельней устреми́лся еси́ оби́тели, Симео́не,// из не́яже и нестаре́емую жизнь при́ял еси́.**

**Припев:** Преподобне отче Симеоне, моли Бога о нас.

**Тропарь:** Приклонил еси, радуясь, / покорливый слух твой, всеблаженне, Владыце блажащу // и блаженную обрел еси жизнь.

**Слава Отцу, и Сыну, и Святому Духу.**

**Тропарь:** Слова прием семена / сердца твоего браздами и слез напоении, // Христу умножен клас добродетелей пожал еси.

**И ныне и присно и во веки веков, аминь.**

**Богородичен:** Неизреченно зачала еси, Богоневесто, / Спаса и Господа, избавляющего ны от лютых, // Тя во истине призывающая.

**КАТАВАСИЯ, ГЛАС 8:**

**Хор:** Жезл во образ тайны приемлетя, / прозябением бо предразсуждает священника; / неплодящей же прежде Церкви / ныне процветет Древо Креста // в державу и утверждение.

**ЕКТЕНИЯ МАЛАЯ...**

**КОНДАК ИНДИКТА, ГЛАС 2:**

**В** Вышних живый, Христе Царю, / всех видимых и невидимых Творче и Зиждителю, / Иже дни и нощи, времена и лета сотворивый, / благословенныне венец лета, / соблюди и сохрани в мире град и люди Твоя, // Многомилостиве.

**КОНДАК ПРЕПОДОБНОГО СИМЕОНА, ГЛАС 2:**

**В**ышних ищай, вышним совокупляйся / и колесницу огненную столп соделавай, / тем собеседник Ангелом был еси, преподобне, / с ними Христу Богу // моляся непрестанно о всех нас.

**Икос:**

**С**имеоново непорочное житие / кий язык человек довлееет когда к похвалё исповедати? / Обаче воспою, Божиею мудростию, / добляго сего исполна страдание же и подвиги, яже на земли, / яко светильника явльшася всем человеком, / многим терпением в лице ангельством возсиявша, / с ними бо поя непрестанно Христу, / воздержанием чистоту стяжа, // моляся непрестанно о всех нас.

**СЕДАЛЕН ПРЕПОДОБНОГО СИМЕОНА, ГЛАС 8, ПОДОБЕН: «ПРЕМУДРОСТИ»:**

**З**емная вся оставив / и в мире сый телесне, / духом был еси Небесный Ангел, / находящая бо страсти умертвив плотию, / Троицы явился еси угодник, блаженне. / Темже недугующих исцеляеши страсти / и словом духи отгоняеши

благодатию,/ Симеоне преблаженне,/ моли Христа Бога согрешений прощение даровати// чествующим любовью святую память твою. *(Дважды)*

**Слава Отцу и Сыну и Святому Духу и ныне и присно и во веки веков. Аминь.**

**СЕДАЛЕН ИНДИКТА, ГЛАС 8, ПОДОБЕН: «ПРЕМУДРОСТИ»:**

**И**же временá плодоносна/ и дожди с небесé подая сущим на земли,/ и ныне, приемля мольбы рабов Твоих,/ от всякия избави нужды град Твой,/ щедроты бо Твоя истинно на всех делах Твоих./ Темже входы благословия и исходы,/ дела исправи в нас рук наших/ и согрешений прощение даруй нам, Боже:/ Ты бо из не сущих всяческая во еже быти,// яко Силен, привел еси.

**ПЕСНЬ 4:**

**КАНОН ВОСКРЕСНЫЙ, ГЛАС 5:**

**Ирмос:** **Божественное Твое разумев истощание/ прозорливо, Аввакум, Христе, со трепетом вопияше Тебе:/ во Спасение людей Твоих// спасти помазанныя Твоя пришел еси.**

**Припев:** **Слава, Господи, святому Воскресению Твоему.**

**Тропарь:** **Яже от Мерры горчайшая воды,/ яко во образе проначертая Пречистый Крест Твой, Блаже,/ греховное умерщвляющ вкушение,// деревом усладил еси.**

**Припев:** **Слава, Господи, святому Воскресению Твоему.**

**Тропарь:** **Крест за дерево разумное,/ за сладкую же пищу желчь, Спасе мой, приял еси,// за тление же смерти кровь Твою Божественную излил еси.**

**Припев:** **Пресвятая Богородице, спаси нас.**

**Богородичен:** **Кроме убо сочетания зачала еси нетленно во чреве,/ и без болезни родила еси,// и по Рождестве, Дева, Бога плотию рождши, сохранилася еси.**

**КАНОН БОГОРОДИЦЫ, ГЛАС 5:**

**Припев:** **Пресвятая Богородице, спаси нас.**

**Тропарь:** **Сердцем и умом, душею же и усты/ исповедую всеблагочестно Тя, Богородицу воистинну, Чистая,/ спасения плод объемля,// и спасаюся Дево, молитвами Твоими.**

**Припев:** **Пресвятая Богородице, спаси нас.**

**Тропарь:** **Создавший от не сущих всяческая,/ от Тебе, Чистыя, создатися яко Благодетель, благоволи,// на Спасение верою и любовью Тя поющих, Всенепорочная.**

**КАНОН ИНДИКТА, ГЛАС 1:**

**Припев:** **Слава, Тебе, Боже наш, слава Тебе.**

**Тропарь:** **Начало Тебе лета людие Твой приносят,// ангельскими песнями славос-**

лѡвяще Тя, Спасе.

**Припев:** Сла́ва, Тебе́, Бо́же наш, сла́ва Тебе́.

**Тропарь:** Я́ко Человеколю́бец сподѡби начѣншим лѣто// и сконча́ти Тебе́ благоугодно, Христе́.

**Припев:** Сла́ва, Тебе́, Бо́же наш, сла́ва Тебе́.

**Тропарь:** Вседержи́телю, Еди́не Го́споди,// лет обхожде́ния, ути́шив, ми́ру да́руй.

**Припев:** Пресвята́я Богоро́дице, спаси́ нас.

**Богородичен:** Я́ко пристани́ще ны́не душ на́ших и твёрду наде́жду,// Богоро́дицу вси воспо́йм.

**КАНО́Н ПРЕПОДО́БНОГО СИМЕО́НА, ГЛАС 8:**

**Припев:** Преподо́бне ѡ́тче Симеоне́, моли́ Бо́га о нас.

**Тропарь:** Не на песце́, преблаже́нне, но на глубоча́йших трудѣх твои́х положи́в основáние воздержáния,// добродѣ́телей созда́л еси́ сто́лп непоколеби́м.

**Припев:** Преподо́бне ѡ́тче Симеоне́, моли́ Бо́га о нас.

**Тропарь:** Всели́в тѣло твоѣ́ в жили́ще жесто́ко, / стра́хом пригвозди́л еси́ ду́ха// и жили́ще насле́дия божѣ́ственнаго обрѣ́л еси́, преподо́бне.

**Сла́ва Отцу́, и Сы́ну, и Свято́му Ду́ху.**

**Тропарь:** Укроти́л еси́ телѣ́сныя сокровѣ́нныя стра́сти, пребога́те, / в гно́й лежа червѣ́й, ѡ́тче,// благово́ние обрѣ́л еси́.

**И ны́не и прѣ́сно и во ве́ки веко́в, ами́нь.**

**Богородичен:** Бо́га, Егѡ́же родила́ еси́, Пречи́стая Мари́е, / моли́ всегда́ рабо́м Твои́м дарова́ти// согреше́ний прощѣ́ние.

**КАТАВА́СИЯ, ГЛАС 8:**

**Хор:** Услы́шах, Го́споди, / смотре́ния Твоего́ та́инство, / разумѣ́х дела́ Твоя́// и просла́вих Твоѣ́ Божество́.

**ПЕСНЬ 5:**

**КАНО́Н ВОСКРЕ́СНЫЙ, ГЛАС 5:**

**Ирмо́с:** Оде́йся Свѣ́том, я́ко ризо́ю, / к Тебе́ у́треннюю, и Тебе́ зову́: / ду́шу мою́ просвети́ омраче́нную, Христе́, // я́ко Еди́н Благоутро́бен.

**Припев:** Сла́ва, Го́споди, свято́му Воскресе́нию Твоему́.

**Тропарь:** И́же сла́вы Госпо́дь в несла́вне зра́це, / на дрѣ́ве обезче́щен во́лею ви́сит, // о божѣ́ственной мне сла́ве несказа́нно промы́шляя.

**Припев:** Сла́ва, Го́споди, свято́му Воскресе́нию Твоему́.

**Тропарь:** Ты́ мя преобле́кл еси́ в нетле́ние, Христе́, / тли сме́ртныя неистле́нно

плóтию вкуш, // и возсияв из грóба триднёвен.

**Припев:** Пресвятáя Богорóдице, спаси нас.

**Богорóдичен:** Ты прáвду же и избавлénие нам рóждши Христá без сéмене, // свободнó содёяла еси от клятвы, Богорóдице, естество прáотца.

**КАНО́Н БОГОРÓДИЦЫ, ГЛАС 5:**

**Припев:** Пресвятáя Богорóдице, спаси нас.

**Тропарь:** Все прорóцы Тя я́ве предвозвести́ша / хотя́щую б́ити Бóжию Мáтерь, Бого-  
рóдице Чистая: // еди́на бо обрелáся еси́, Чистая, совершенна Непорóчная.

**Припев:** Пресвятáя Богорóдице, спаси нас.

**Тропарь:** Свётел óблак Тя живóтныя вóды, / нам тóчу нетлénия Христá одо-  
ждивши́й отча́нным, // Чистая, познава́ем.

**КАНО́Н ИНДЙ́КТА, ГЛАС 1:**

**Припев:** Сла́ва, Тебе́, Бóже наш, сла́ва Тебе́.

**Тропарь:** Исполня́й всяческа́я блага́сти, Христé, / Ты благорастворéнием и благоп-  
лóдием, благословéньми венча́емо, // многокру́жное лéто рабóм Твои́м да́руй.

**Припев:** Сла́ва, Тебе́, Бóже наш, сла́ва Тебе́.

**Тропарь:** Лéтное воздая́ние покажи́ нам преложéние к лóчшим, / ми́рное же  
устроéние вéдушим Тя, Сло́ве Бóжий, // уподóбльшася челове́ком.

**Припев:** Сла́ва, Тебе́, Бóже наш, сла́ва Тебе́.

**Тропарь:** На зéмлю пришéл еси́, Собезначáльне Отцú, / плéнником отпу́щение, сле-  
пым же прозрénие от Отца́ возвещáя // и вре́мя приятно́.

**Припев:** Пресвятáя Богорóдице, спаси нас.

**Богорóдичен:** На́ша наде́жды, Богорóдице Чистая, / и на́ше желáние на Тя возлага́ем, //  
Ми́лостива нам даждь, Дéво, Егóже родила́ еси́.

**КАНО́Н ПРЕПОДÓБНОГО СИМЕО́НА, ГЛАС 8:**

**Припев:** Преподóбне óтче Симеóне, моли́ Бóга о нас.

**Тропарь:** Но́ваго Дани́ила, Симеóне, / Христóс тя показá, // из рóва бо звéрска ты яв-  
лénием невреждéна возврати́.

**Припев:** Преподóбне óтче Симеóне, моли́ Бóга о нас.

**Тропарь:** Весь сам себе́ Гóсподу возложив, // слотé, и мрáзу, и знóю, протíвным  
озлоблénием, обнажил́ся еси́.

**Сла́ва Отцú, и Сýну, и Святóму Дúху.**

**Тропарь:** Но́вый Моисéй и Или́я показáлся еси́, / еди́нощи чрез всю четы́ре-  
деся́тницу пи́щу приéмля // во всей жи́зни твоéй, преподóбне.

**И ны́не и прѣсно и во ве́ки веко́в, ами́нь.**

**Богородичен:** Моли́ прѣсно Сы́на Твоего́ и Бо́га нашего,/ Неискусобра́чная Мари́е Чѣстая,// низпосла́ти нам, ве́рным, ве́лию ми́лость.

**КАТАВА́СИЯ, ГЛАС 8:**

**Хор:** **О** треблаже́нное Дре́во,/ на нёмже распя́ся Хри́сто́с, Ца́рь и Госпо́дь!/ Ёмже паде́ дре́вом прельсти́вый,/ тобо́ю прельсти́вся,/ Бо́гу пригвозди́вшуся плоти́ю,// пода́ющему мир душа́м на́шим.

**ПЕСНЬ 6:**

**КАНО́Н ВОСКРЕ́СНЫЙ, ГЛАС 5:**

**Ирмо́с:** **Неистовствующее́я бу́рею душетле́нною,/ Влады́ко Хри́сте, страсте́й мо́ре укроти́,// и от тли возведи́ мя, я́ко Благоутро́бен.**

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **В** тле́ние поплзся́ родонача́льник, Влады́ко Хри́сте,/ преслу́шаннаго бра́шна вкуш,// и к животу́ возведён бысть стра́стию Твое́ю.

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **Жи́вот низше́л еси́ ко а́ду, Влады́ко Хри́сте,/ и тле́ние растле́вшему быв,// тле́нием источи́л еси́ Воскресе́ние.**

**Припев:** **Пресвята́я Богороди́це, спаси́ нас.**

**Богородичен:** Де́ва роди́, и ро́ждши пребы́сть чиста́,/ на руку́ нося́щаго вся́ческая,// я́ко вои́стинну Де́ва Ма́ти понёсшая.

**КАНО́Н БОГОРО́ДИЦЫ, ГЛАС 5:**

**Припев:** **Пресвята́я Богороди́це, спаси́ нас.**

**Тропа́рь:** **И́же все́му ви́новный, и е́же бы́ти все́м пода́вый,/ я́ко ви́новну имя́ше во-площа́емь, е́же по нам,// Тя, Богома́ти Всенепоро́чная.**

**Припев:** **Пресвята́я Богороди́це, спаси́ нас.**

**Тропа́рь:** **Исцелéний, Влады́чице, душепитáтельный точáщий исто́чник/ ве́рно притека́ющим к покрóву Твоему́ благосла́вному,// ве́мы Тя, Всенепоро́чная.**

**КАНО́Н ИНДѢ́КТА, ГЛАС 1:**

**Припев:** **Сла́ва, Тебе́, Бо́же наш, сла́ва Тебе́.**

**Тропа́рь:** **Жи́тиё нача́ти, благоугóдно Тебе́, Влады́ко,// с ле́тным начинáнием нас сподо́би. (Два́жды)**

**Припев:** **Сла́ва, Тебе́, Бо́же наш, сла́ва Тебе́.**

**Тропа́рь:** **Дней духо́вных, в поучéнии Зако́на Твоего́,// покажи́ испóлнены, ще́дре**



Спáсе, пою́щия Тя.

**Припев:** Пресвятáя Богорóдице, спаси́ нас.

**Богорóдичен:** Рóждшая Гóспода, Богорóдице Всенепорóчная, // избáви от бед véроу пою́щия Тя, Пречы́стая.

КАНО́Н ПРЕПОДО́БНОГО СИМЕО́НА, ГЛАС 8:

**Припев:** Преподо́бне óтче Симео́не, моли́ Бóга о нас.

**Тропа́рь:** Зна́мений и чудес́ тя Христóс самоде́теля показа́, // Божéственнаго, блаженне, де́йства приятно жили́ще.

**Припев:** Преподо́бне óтче Симео́не, моли́ Бóга о нас.

**Тропа́рь:** Возне́сл еси́ тéло твоё, Симео́не, / я́ко на крест, на столп. / Тем спросла́вился еси́ // на Дре́во тебе́ ра́ди возне́сшемуся Христú.

**Сла́ва Отцу́, и Сы́ну, и Свято́му Ду́ху.**

**Тропа́рь:** Вы́шнее шéствие обрёт, Симео́не чу́дне, // к высотé Небéсней пою́щия тя véрно возведи́.

**И ны́не и прýсно и во ве́ки веко́в, ами́нь.**

**Богорóдичен:** Гóру, Ю́же прови́де Дании́л, / из Нея́же несекóмый ка́мень véры отсече́ся, Христóс, // Тя познава́ем.

КАТАВА́СИЯ, ГЛАС 8:

**Хор:** Во́днаго зве́ря во утробе / длáни Ио́на крестови́дно распростёр, / спаси́тельную Страсть прообража́ше я́ве. / Тем, тридне́вен изше́д, / преми́рное Воскресéние прописáше / Плóтию пригвождéннаго Христá Бóга // и тридне́вным Воскресéнием мир просвещáшаго.

ЕКТЕНИ́Я МА́ЛАЯ...

КОНДА́К ВОСКРЕ́СНЫЙ, ГЛАС 5:

Ко́ аду, Спа́се мой, соше́л еси́, / и врата́ сокруши́вый я́ко всеси́лен, / умёрших, я́ко Созда́тель, совоскреси́л еси́, / и смёрти жа́ло сокруши́л еси́, / и Ада́м от кля́твы избáвлен бысть, Человеколю́бче; / те́мже вси зове́м: // спаси́ нас, Гóсподи.

И́кос:

Услы́шавша жены́ áнгеловы глаго́лы, отложи́ша рыда́ние, / ра́достны бы́вша и трéпетны, у́жас бо ви́деша, / и се Христóс прибли́жися к ним, глаго́ля: е́же, ра́дуйтесь, / дерза́йте, Аз ми́ра победи́х, и у́зники свободи́х, / потщи́тесь у́бо ко учени́ком, возвещáюща им: / я́ко варя́ю вы во гра́де Галиле́йстем, е́же пропове́дати. // Те́мже вси Тебе́ зове́м: спаси́ нас, Гóсподи.

## ПЕСНЬ 7:

### КАНО́Н ВОСКРЕ́СНЫЙ, ГЛАС 5:

**Ирмос:** **Превозно́смый отце́в Госпо́дь/ пла́мень угаси́, о́троки ороси́, согла́сно пою́щия://** Бо́же, благослове́н еси́.

**Припев:** **Сла́ва, Го́споди, свято́му Воскресе́нию Твоему́.**

**Тропарь:** **Пло́тию обло́жся я́коже на у́дице лы́щения,/ Божество́нную Твоею́ си́лою зми́я низвле́кл еси́//** возводя́ вопи́ющия: Бо́же, благослове́н еси́.

**Припев:** **Сла́ва, Го́споди, свято́му Воскресе́нию Твоему́.**

**Тропарь:** **Земли́ непрохо́дное осущество́ваый составле́ние,/ во гробе́ покрыва́ется плоти́ю Невмести́мый.//** Ему́же вси поём: Бо́же, благослове́н еси́.

**Припев:** **Пресвята́я Богоро́дице, спаси́ нас.**

**Богородичен:** **Еди́ну у́бо Ипостась во Двою́ Естеству́, Всенепоро́чная/ родила́ еси́ Воплоще́ннаго Бо́га.//** Ему́же вси поём: Бо́же, благослове́н еси́.

### КАНО́Н БОГОРО́ДИЦЫ, ГЛАС 5:

**Припев:** **Пресвята́я Богоро́дице, спаси́ нас.**

**Тропарь:** **Неопределе́нный пребыв́ Непрело́жен,/ плоти́ по Ипостаси́ соедини́ся, я́ко Благоутро́бен, в Тебе́ Пресвяте́й://** И́же Еди́н благослове́н Бог оте́ц на́ших.

**Припев:** **Пресвята́я Богоро́дице, спаси́ нас.**

**Тропарь:** **Невесту́ Тя Всенепоро́чную, Богоро́дице Влады́чице, согла́сно сла́вим и Престо́л Зижди́теля Твоего́.//** Ему́же вси поём: Бо́же, благослове́н еси́.

### КАНО́Н ИНДЙ́КТА, ГЛАС 1:

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Начина́ющи лето́, и песе́ней нача́ток сотворя́ем/ ца́рствующему́ Христу́ Ца́рством безконе́чным,/ правосла́внии лю́дие, благоче́стно пою́ще://** отце́в Бо́же, благослове́н еси́. *(Два́жды)*

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Сый прэ́жде век, на век же и ещэ́ Госпо́дь,/ воспева́ющим Тя, Христе́, Исто́чник бла́гости,/ благи́х Твои́х даро́в лето́ сие́ испо́лни://** отце́в Бо́же, благослове́н еси́.

**Припев:** **Пресвята́я Богоро́дице, спаси́ нас.**

**Богородичен:** **Я́ко раби́ Влады́це, на моли́тву/ Чи́стую Ма́терь Твою́ Тебе́ предлага́ем, Христе́,/ от вся́каго обстоя́ния лю́ди Тво́я, Бла́же, изба́вити, пою́щия://** отце́в Бо́же, благослове́н еси́.

### КАНО́Н ПРЕПОДО́БНОГО СИМЕО́НА, ГЛАС 8:

**Припев:** **Преподобне отче Симеоне, моли Бога о нас.**

**Тропарь:** Разрешил еси убо сухоту недоумеющимся,/ и врата тем дождевныя отверзл еси,/ и землю колеблющуюся молитвами уставил еси,/ и люди звати научил еси:// благословен Бог отцев наших.

**Припев:** **Преподобне отче Симеоне, моли Бога о нас.**

**Тропарь:** Яко величайший светильник церковный/ и многосветлое, Симеоне, солнце,/ всюду лучи испуская, просветил еси/ и люди звати научил еси:// благословен Бог отцев наших.

**Слава Отцу, и Сыну, и Святому Духу.**

**Тропарь:** Воды отсюда стекшася, угодниче Христов,/ человеков пучина во ограде твоего собрася воздержания,/ от тебе вопити наказуеми:// благословен Бог отцев наших.

**И ныне и присно и во веки веков, аминь.**

**Богородичен:** Подобаше безсеменно Воплощшемуся из Тебе проити, Дево Чистая,/ Ты бо явилася еси чистотою всех пребольша,/ Емуже, вопиюще, песньми зовем:// благословен Бог отцев наших.

### КАТАВАСИЯ, ГЛАС 8:

**Хор:** Безумное веление мучителя злочестиваго люди поколеба,/ дышущее прещение и злохуление богомерзкое,/ обаче три отроки не устраши ярость зверская,/ ни огонь снедаяй,/ но противдышущу росонбному Духу,/ со огнем сущу, пояху:// препетый отцев и нас Бже, благословен еси.

### ПЕСНЬ 8:

#### КАНОН ВОСКРЕСНЫЙ, ГЛАС 5:

**Ирмос:** Тебе, Вседетелю,/ в пещи отроцы, всемирный лик сплетше, пояху:/ дела всякая, Господа пойте// и превозносите во вся веки.

**Припев:** **Слава, Господи, святому Воскресению Твоему.**

**Тропарь:** Ты о вольней спасительныя страсти помолылся еси чаши, якоже невольней:// два хотения, двема бо по коемуждо носиши существа, Христе, во веки.

**Припев:** **Слава, Господи, святому Воскресению Твоему.**

**Тропарь:** Твоим вседетельным схождением ад, Христе, поруганный/ изbleва вся, яже древле лестию умерщвлённая,// Тебе превозносящая во вся веки.

**Припев:** **Пресвятая Богородице, спаси нас.**

**Богородичен:** Ты яже паче ума/ богомужне Словом Родшую Господа, и девствующую, // вся дела, Дево, благословим, и превозносим во вся веки.

**КАНОН БОГОРОДИЦЫ, ГЛАС 5:**

**Припев:** Пресвятая Богородице, спаси нас.

**Тропарь:** Престань ныне яже праячая печаль, / радость приемши Ти Богоматерни. / Темже непрестанно поем Тя, Дево, // и превозносим во вся веки.

**Припев:** Пресвятая Богородице, спаси нас.

**Тропарь:** Поет с нами безплотных собор, Дево / Рождество Твое непостижимое, / един лик составльше любовь, // и превозносяще Его во веки.

**КАНОН ИНДИКТА, ГЛАС 1:**

**Припев:** Слава, Тебе, Боже наш, слава Тебе.

**Тропарь:** Яко Начальнику спасения, Христе, / начаток Тебе приносит летный честная Церковь, зовущи: // пойте и превозносите Христа во веки.

**Припев:** Слава, Тебе, Боже наш, слава Тебе.

**Тропарь:** Из не сущих всяческая мудре обновившаго Создателя / и производящаго времен обращения хотением, // пойте и превозносите Его во веки.

**Припев:** Слава, Тебе, Боже наш, слава Тебе.

**Тропарь:** Изводящему всяческая Богу / и времен изменяющему, / на многообразное человек управление, поем: // хвалите и превозносите Христа во веки.

**Припев:** Пресвятая Богородице, спаси нас.

**Богородичен:** Богоматерь Деву Чистую, / лет обхожденными же и обращенными, / православно, человечести собори, поем Тя, // яко Богородицу и всех спасение.

**КАНОН ПРЕПОДОБНОГО СИМЕОНА, ГЛАС 8:**

**Припев:** Преподобне отче Симеоне, моли Бога о нас.

**Тропарь:** От всякаго отлучився пристрастия / и матерню немощь ущедрив, / яко живей явился еси по смерти: // Господа пойте и превозносите Его, вопия, во веки.

**Припев:** Преподобне отче Симеоне, моли Бога о нас.

**Тропарь:** Юношу стягул еси расслабленна / и одр Филарху повелеваяеши на раму нести, священнейше, вопия: // Господа пойте и превозносите Его во вся веки.

**Благословим Отца и Сына и Святаго Духа Господа.**

**Тропарь:** Уяснивый Иова страстию, / согнившая плоти твоея гнилость в бисер претвори многоценен, // ты, Христов угодниче Симеоне, Славяй во вся веки.

**И ныне и присно и во веки веков, аминь.**

**Богородичен:** От Ангела радость приемшую, / и родшую Господа славы, / и свет миру

возсиявшую, // вси Тя поём, Дѣво Богородице, во вся вѣки.

КАТАВА́СИЯ, ГЛАС 8:

**Хор:** Хва́лим, благосло́вим, покланя́емся Го́сподеви, пою́ще и превозно́сяще во вся вѣки.

Благосло́вите, о́троцы, / Трѣ́ицы равночи́сленнии, / Соде́теля Отца́ Бо́га, / по́йте снизше́дшее Сло́во / и огнь в ро́су претво́ршее / и превозно́сите всем жизнь подава́ющаго // Ду́ха Всесвята́го во вѣки.

**Диакон:** Богородицу и Ма́терь Свѣта в пѣснях возвелі́чим.

ПЕСНЬ ПРЕСВЯТО́Й БОГОРО́ДИЦЫ:

**Хор:** Вели́чит душа́ Моя́ Го́спода, / и возра́довася дух Мой о Бо́зе Спа́се Моём.  
Че́стнейшую Херуві́м / и Сла́внейшую без сравне́ния Серафі́м, / без ислѣ́ния Бо́га Сло́ва ро́ждшую, / су́щую Богородицу, Тя велича́ем.

Я́ко призре́ на смире́ние рабы́ Своея́, / се бо от ны́не ублажа́т Мя вси ро́ди.

Че́стнейшую...

Я́ко сотвори́ Мне вели́чие Си́льный, / и свято́ Ё́мя Его́, и ми́лость Его́ в ро́ды родо́в бо́ящимся Его́.

Че́стнейшую...

Сотвори́ держа́ву мы́шцею Своёю, / расточи́ го́рдья мы́слию се́рдца их.

Че́стнейшую...

Низложи́ си́льные со престо́л, и вознесе́ смире́нныя; / а́лчущія исполни́ благ, и богаты́яся отпусти́ тщи.

Че́стнейшую...

Восприя́т Израі́ля о́трока Своего́, помяну́ти ми́лости, / якоже глаго́ла ко отце́м нашим, Авра́аму и се́мени его́, да́же до вѣка.

Че́стнейшую...

ПЕСНЬ 9:

КАНО́Н ВОСКРЕ́СНЫЙ, ГЛАС 5:

**Ирмо́с:** Иса́ие, лику́й, / Дѣва имѣ во чре́ве / и роди́ Сы́на Емману́ила, / Бо́га же и Чело́века, / Восто́к і́мя Емú, / Его́ же велича́юще, // Дѣву ублажа́ем.

**Припев:** Сла́ва, Го́споди, свято́му Воскресе́нию Твоему́.

**Тропа́рь:** Па́дшаго чело́века восприя́л еси́, Влады́ко Христе́, из ложе́сн Деві́ческих / все́му совоку́плься, греху́ же ни еди́ному прича́щся: // все́го от ислѣ́ния Ты свободи́л еси́ пречи́стыми Твои́ми страстьми́.

**Припев:** Сла́ва, Го́споди, свято́му Воскресе́нию Твоему́.

**Тропа́рь:** Богото́чною крѣ́вию исто́щенною, Влады́ко Христе́, / от Твои́х пречи́стых

ребр и животворящих,/ жертва ўбо преста́ идо́льская, // вся же земля Тебе́ хваления́ жёртву прино́сит.

**Припев:** **Пресвятáя Богорóдице, спаси́ нас.**

**Богорóдичен:** Не Бóга безплóтна, ниже́ па́ки челове́ка прóста/ произведé Чíстая Отрокови́ца, и Несквёрная:/ но Челове́ка совершённа, и нелóжно совершённа Бóга. // Егóже велича́ем со Отцём же и Дúхом.

**КАНО́Н БОГОРÓДИЦЫ, ГЛАС 5:**

**Припев:** **Пресвятáя Богорóдице, спаси́ нас.**

**Тропарь:** От чíстых кровей́ Твоих/ усырíся плоть преестéственно/ всех Содéтелю, Единорóдному Сы́ну Родíтелю, // не от мýжа, без се́мене же ўмна и одушевлённа, Богорóдице Приснодéво.

**Припев:** **Пресвятáя Богорóдице, спаси́ нас.**

**Тропарь:** Обходíмое устáвила еси́ смёрти неудержíмое стремлénие,/ рóждши плóтию воíстинну па́че умá Жизнь вéчную:/ Ёйже прилóжься усты́ гóрькими ад упразднíся, // Пресвятáя Мáти Дéво.

**КАНО́Н ИНДÍКТА, ГЛАС 1:**

**Припев:** **Слáва, Тебе́, Бóже наш, слáва Тебе́.**

**Тропарь:** Сло́во Бóжие и Сíла, íстинная Мúдрость и ипостáсная,/ содержа́щая и пра́вящая вся́ческая мúдре,/ и нýне настав́шее рабóм Твои́м вре́мя // во устроéнии ти́се произведí.

**Припев:** **Слáва, Тебе́, Бóже наш, слáва Тебе́.**

**Тропарь:** Вся́ дела́ Тво́я, Гóсподи, небеса́, земля́, свет и мóре, вóды и вси истóчницы,/ со́лнце же, луна́ и тьма, звéзды, огонь, челове́цы и скóти, // со А́нгелы восхваля́ют Тя.

**Припев:** **Слáва, Тебе́, Бóже наш, слáва Тебе́.**

**Тропарь:** Едíн еси́ Превéчный, я́ко Творéц веко́в,/ и ца́рствующее триипостáсное Едíно Божество́ нераздéльное,/ мольба́ми Чíстыя Богомáтере // лéто плодонóсно наслéдию Твоемú покажí.

**Припев:** **Пресвятáя Богорóдице, спаси́ нас.**

**Богорóдичен:** Спа́се всего́, и Строи́телю, и Зиждíтелю, и Вседержíтелю твáри,/ мольба́ми безсе́менно Рóждшия Тя мир мíру Твоемú подáждь, // соблюда́я Цёрковь всегда́ немятэ́жну.

**КАНО́Н ПРЕПОДÓБНОГО СИМЕО́НА, ГЛАС 8:**

**Припев:** **Преподóбне óтче Симеóне, моли́ Бóга о нас.**

**Тропарь:** Воцарíвшася над страстьми́ терпéнием,/ Христóс тя при́ят, Симеóне бо-

гонóсе,/ Своемú общника Цáрству:// тем ты пёсньми почитáем.

**Припев:** Преподóбне óтче Симеóне, моли́ Бóга о нас.

**Тропáрь:** Целёбней благодáти сподóбився/ от некрáдомых Дúха сокрóвищ, бого-  
но́се Симеóне,// исцелёния подаёши торжествúющим пáмять твою́.

**Слáва Отцú, и Сýну, и Свято́му Дúху.**

**Тропáрь:** Возшéd, преподóбне, небéснаго течéния на добродéтельный воздúх,/ страдáньми препоя́сан, возлетéв к скýнниям небéсным,// моли́ спастýся ду-  
шáм нáшим.

**И ны́не и прýсно и во вéки векóв, амíнь.**

**Богорóдичен:** Купинá, горя́щая огнём и неопалéема, явилáся есý, о Влады́чице,/ за-  
чéнши безсéменно Бóга и Спáса мýра,// Егóже непрестáнно величáем.

КАТАВÁСИЯ, ГЛАС 8:

**Хор:** Тáин есý, Богорóдице, рай,/ невоздéланно возрастýвший Христá,/ Ёмже крéстное живонóсное на земл́и насадýся Дрéво./ Тем, ны́не возносýму,// поклоня́ющеся Емú, Ты величáем.

ЕКТЕНИЯ МÁЛАЯ:...

**Диáкон:** Свят Госпóдь Бог наш...

ЕКСАПОСТИЛÁРИЙ ВОСКРÉСНЫЙ ТРÉТИЙ:

Я́ко Христóс воскресе, никто́же да не véрует:/ яв́ися бо Марýи, потóм же  
в́иден бысть на селó идúщима,/ тайнником же пáки яв́ися возлежáщим еди-  
нонáдесятим,/ ёхже крещáти послáв,/ на небесá вознесéся, отню́дуже и  
сн́иде,// утверждáя проповéдание мнóжества знáмений.

**Слáва Отцú и Сýну и Свято́му Дúху.**

СВЕТÍЛЕН ПРЕПОДÓБНОГО СИМЕÓНА, ПОДÓБЕН: «УЧЕНИКО́М»:

Я́коже светíло, преподóбне,/ светонóсное твоё житиё облистáвшее/ про-  
свети́ подсолнечную всю чудес лучáми./ Столпóм бо, óтче, возшёл есý, я́ко  
лествицею, к Бóгу,/ идéже всех желáний, Симеóне,/ конéчное ёстинно вос-  
прия́тие есть,// о нас моля́ся, чествúющих Тя, блажéнне.

**И ны́не и прýсно и во вéки векóв. Амíнь.**

СВЕТÍЛЕН ИНДÍКТА, ПОДÓБЕН: «УЧЕНИКО́М»:

Бóже богóв и Гóсподи,/ триипостáсное Естество́,/ Непрестýпне, Присно-  
сýщне, Несоздáнне/ и всех Содéтелю, Вседержителю,/ Тебé припадаем вси и  
Тя мóлим:/ настоя́щее лéто сие́ я́ко Благ благословív,// сохрани́ в мýре вся  
люди́ Твоя́, Щéдре.